



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Concilivm Cabilonense Gvntramni Regis Ivssv Convocatvm aduersus
Salonium Ebredunensem, & Sagittarium Vapincensem episcopos, qui
iterato iudicio in hac Synodo ab episcopatu deiecti, atque in custodiam ...

urn:nbn:de:hbz:466:1-15221

CONCILIVM CABILONENSE

GVNTRAMNI REGIS IVSSV CONVOCATVM aduersus Salonium Ebredunensem, & Sagittarium Vapincensem episcopos, qui iterato iudicio in hac Synodo ab episcopatu deiecti, atque in custodiam retrusi sunt, anno Christi DLXXIX. Pelagii II. papæ secundo, Guntramni & Chilperici regum XV III.

Hi iam pridem damnati, ut dictum est, & honore spoliati fuerant in Synodo II. Lugdunensi, sed Ioannis papæ interuentu sedibus suis postmodum restituti. Nunc ergo, cum ad ingenium, & pristina scelera rediissent, ac maiestatis præterea crimine infimularentur, in hoc iterum Concilio episcopatu deiecti, atque in sancti Marcelli basilicam sub custodia detrusi sunt. Rem paucis explicat Gregorius Turonensis, addens illos hinc etiam fuga lapsos esse, aliofque tandem in eorum ciuitatibus episcopos subrogatos. Sic enim scribit libro 5. historię cap. 28. Anno quarto Childeberti, qui fuit decimus octauus Guntheramni & Chilperici regum, apud Cabillonum ciuitatem Synodus acta est ex iussu principis Guntheramni: discussisque diuersis causis, contra Salonium & Sagittarium episcopos iteratur illa antiqua calamitas. Obiiciuntur eis crimina, & non solum de adultariis, verum etiam de homicidiis accusantur. Sed hæc per pœnitentiam purgari censentes episcopi, illud est additum, quod essent rei maiestatis, & patriæ proditores. Quæ de causa ab episcopatu discincti, in basilicam sancti Marcelli sub custodia detruduntur. Ex qua per fugam lapsi discesserunt, per diuersa vagantes, donec in ciuitatibus eorum alii subrogati sunt.

CONCILIVM SANTONENSE

IN QVO NANTINVS COMES ENGOLISMENSIS ab Heraclio episcopo excommunicatus, in gratiam ab eodem Synodi rogatu receptus est, eodem, ut videtur, Christi anno DLXXIX.

REM altius repetit Gregorius Turonensis libro 5. historię cap. 27. Narrat enim Nantinum, ut Magnacharii auunculi sui, quondam comitis, postea episcopi Engolismensis, veneno extincti necem